



Univerzalni etički kodeks za škole u Bosni i Hercegovini



Sedam univerzalnih principa Etičkog kodeksa

1. Poštujemo ljudska prava svih osoba.
2. Ne dopuštamo diskriminaciju po bilo kojoj osnovi.
3. Poštujemo i razumijemo različitosti.
4. Podstičemo velikodušnost, nesebičnost, objektivnost, integritet i odgovornost.
5. Uključujemo sve i podržavamo interkulturalno obrazovanje.
6. Zabranjujemo i ne dopuštamo psihičko, emotivno ni fizičko nasilje.
7. Prepoznavamo socijalnu isključenost i sprečavamo loše rezultate te isključenosti.

Naša škola:

- Cijeni vrijednost i ugled svake individue.
- Smatra da je potencijal svake individue neograničen.
- Odnosom prema svakoj osobi dokazuje da uvažava, poštuje i brani ljudska prava.
- Cijeni želju za znanjem i vještinama.
- Cijeni pravednost prema svima.
- Uvažava principe demokratije.

Naša škola:

- Uvažava i poštuje različitosti, te zahtijeva i nudi jednake mogućnosti za sve – bez obzira na rodnu, dobnu, polnu, klasnu, etničku, nacionalnu, kulturnu i svaku drugu pripadnost, orijentaciju ili status.
- Poštuje učenice i učenike i gradi povjerenje prema njima i njihovom okruženju.
- Uvijek postupa savjesno dajući primjer najviših etičkih standarda.

Mi nastavno osoblje:

- Brinemo da zdravlje, razvoj, sigurnost, tjelesna, mentalna i emotivna dobrobit svih učenica i učenika budu na prvom mjestu.
- Koristimo svoje profesionalne vještine i stručnost kako bismo svakoj učenici i svakom učeniku osigurali da stekne znanja, razumijevanje i vještine.
- Posvećujemo se stalnom profesionalnom razvoju.
- Ne oklijevamo zatražiti podršku u slučaju da razvoj i napredak bilo koje učenice i bilo kojeg učenika budu ugroženi.
- Čuvamo tajnost svih podataka o učenicama i učenicima, kao i o kolegicama i kolegama do kojih dođemo u sklopu profesionalnih aktivnosti, osim ukoliko otkrivanje tih podataka nije neophodno iz opravdanih razloga kao što je zaštita djece od zlostavljanja.

Mi nastavno osoblje:

- Nastojimo svojim ponašanjem da budemo uzor poštenja, integriteta i brižnog odnosa prema drugima.
- Nedvosmisleno i efikasno djelujemo protiv diskriminacije.
- Tretiramo i podučavamo učenice i učenike na način koji podiže njihovo samopouzdanje, samosvijest i spoznaju o vlastitoj vrijednosti, te im pružamo stručne informacije i ukazujemo na važnost individualnih i kolektivnih postignuća.
- Savjetujemo se s roditeljima i starateljima o svim važnim odlukama koje se tiču obrazovanja i dobrobiti njihove djece, te nastojimo da sve odluke budu u najboljem interesu djeteta.

Mi nastavno osoblje:

- Gradimo i jačamo saradnju i uzajamno poštovanje prema roditeljima, starateljima i svima koji doprinose kvalitetnijem obrazovanju djeteta.
- Slušamo i uvažavamo mišljenje roditelja i staratelja u vezi s razvojem i obrazovanjem njihove djece – naših učenica i učenika.
- Trudimo se da očuvamo dignitet profesije, da poboljšamo status odgoja i obrazovanja i da uspostavimo klimu koja u prosvjetnu struku privlači osobe dostojne povjerenja.
- Promoviramo timski rad poštujući pravo na uvažavanje mišljenja svake članice i svakog člana tima.
- Pružamo dobrodošlicu i podršku kolegicama i kolegama koji su novi u struci.
- Ispoljavamo otvorenost, poštenje i integritet u svim svojim profesionalnim, rukovodećim i administrativnim ulogama.

Mi roditelji/staratelji:

- Savjetujemo se s nastavnim osobljem o važnim odlukama koje se tiču obrazovanja i dobrobiti naše djece, trudeći se da sve razmatrane odluke budu u najboljem interesu djeteta.
- Gradimo i jačamo saradnju i uzajamno poštovanje prema roditeljima, starateljima i svima koji doprinose kvalitetnijem obrazovanju naše djece.
- Slušamo i uvažavamo nastavno osoblje i njihove stavove u vezi s razvojem i obrazovanjem naše djece.



Mi učenice/učenici:

- Poštujemo i ponašamo se u skladu sa univerzalnim principima etičkog kodeksa.
- Uvažavamo i poštujemo ljudska prava i prema svima se ophodimo poštujući i braneći njihova prava.
- Cijenimo vrijednost i ugled svake individue.
- Poštujemo demokratski ustanovljene razredne propise.
- Nastojimo ostvariti vlastite potencijale i ambicije.
- Učestvujemo u procesima i radu demokratski izabranog Savjeta učenika.
- Učestvujemo u nastavnim i vannastavnim aktivnostima škole.
- Svakoj novoj učenici i svakom novom učeniku pružamo dobrodošlicu i uključujemo je/ga u razredne aktivnosti.